



იუსტიციის უმაღლესი სკოლა -

სასამართლო რეფორმის წარმატებული პროექტი

საქართველოს უზენაესი სასამართლოს თავმჯდომარე ამერიკელ კოლეგას შეხვდა

ქართველი მოსამართლეები აშშ იუსტიციის დეპარტამენტის მიერ ორგანიზებული ვიზიტის ფარგლებში ვაშინგტონს ეწვივნენ.

საქართველოს უზენაესი სასამართლოს თავმჯდომარე კონსტანტინე კუბლაშვილი მოსამართლეებთან და იუსტიციის უმაღლესი სკოლის ხელმძღვანელებთან ერთად, ამერიკის უზენაესი სასამართლოს თავმჯდომარეს და ამერიკელ მოსამართლეებს შეხვდებოდა.

ამერიკელი კოლეგებისგან ქართველი მოსამართლეები განაჩენის მომზადებასთან დაკავშირებულ სამართლებრივ საკითხებზე მიიღებენ ინფორმაციას.

საქართველოში მიმდინარე სასამართლო რეფორმის ფარგლებში, დიდი ყურადღება ექცევა კვალიფიციური მოსამართლეების მომზადებას. სასამართლო გადაწყვეტილების წერის ტექნიკა კი მოსამართლის კვალიფიციურობის ერთ-ერთი განმსაზღვრელი ფაქტორია. ამერიკული პრაქტიკის გაცნობა ამ მიმართულებით მნიშვნელოვანი გამოცდილებაა ქართველი მოსამართლეებისთვის.

სასამართლო შვილი დედას დაუბრუნა

თბილისის სააპელაციო სასამართლომ უკრაინის მოქალაქეს, დედას, რომელსაც ყოფილი ქმარმა შვილი წაართვა, 8 წლის ბავშვი დაუბრუნა. საქმის მასალებით მიხედვით, ქართველ მამასა და უკრაინელ დედას შორის სადავო მათი საერთო შვილი - 8 წლის ბავშვი იყო.

თბილისის სააპელაციო სასამართლოს ცნობით, 8 წლის ბიჭი უკრაინის მოქალაქეა. მამამ შვილი 1 წლის წინ საქართველოში იმ პირობით წაიყვანა, რომ ბავშვს დედასთან რამდენიმე თვეში დააბრუნებდა, თუმცა მან პირობა დარღვია, ვაჟიშვილი საქართველოში ბაბუს და ბიძის სახლში დატოვა, თავად კი რუსეთში გაემგზავრა.

დედის მოთხოვნის მიუხედავად, მამა შვილის დაბრუნებაზე უარს აცხადებდა. არაერთი უშედეგო მცდელობის შემდეგ, ლუკას დედამ საკუთარი უფლებების სასამართლო წესით დაცვა გადაწყვიტა.

თბილისის საქალაქო სამართლომ დედის მოთხოვნა ბავშვის მისთვის დაბრუნების თაობაზე არ დააკმაყოფილა. უკრაინის მოქალაქემ გადაწყვეტილება სააპელაციო წესით გაასაჩივრა.

თბილისის სააპელაციო სასამართლოს სა-მოქალაქო საქმეთა კოლეგიამ გააუქმა თბილისის საქალაქო სასამართლოს გადაწყვეტილება და ბავშვის დედის სააპელაციო საჩივარი დააკმაყოფილა. სასამართლომ 8 წლის ბიჭის საქართველოში ყოფნა "ბავშვთა საერთაშორისო გაცემის სამოქალაქო ასპექტების შესახებ" კონვენციის საფუძველზე არამართლზომიერ დაკავებად შეაფასა და შვილი დედას დაუბრუნა.

უკრაინელი მოსამართლეები საქართველოს იუსტიციის უმაღლეს საბჭოში

საქართველოს იუსტიციის უმაღლეს საბჭოს და თბილისის საქალაქო სასამართლოს უკრაინის დელეგაცია ეწვია. დელეგაციის შემადგენლობაში იმყოფებოდნენ კიევის სოლომენსკის რაიონული სასამართლოს თავმჯდომარე და მოსამართლეები. შეხვედრა დელეგაციის სურვილით ჩატარდა.

დელეგაციას საქართველოს იუსტიციის უმაღლეს საბჭოს წევრები კახა კობერიძე და რამაზ ჟღენტაი შეხვდნენ. შეხვედრის მიზანი კიევის სოლომენსკის რაიონული სასამართლოს თავმჯდომარის და მოსამართლეებისთვის საქართველოში მიმდინარე სასამართლო რეფორმის გაცნობა იყო. ისაუბრეს საქართველოს იუსტიციის უმაღლესი საბჭოს უფლებამოსილებაზე, საქართველოში სასამართლო რეფორმის მიმდინარეობის მთავარ მიმართულებებსა და რეფორმის ფარგლებში განხორციელებულ ღონისძიებებზე. უცხოელმა კოლეგებმა დადებითად შეაფასეს საქართველოში გატარებული სასამართლო რეფორმა, დეტალურად დაინტერესდნენ რეფორმის ცალკეული საკითხებით, და აღნიშნეს, რომ საქართველოს პრაქტიკა მათთვის მნიშვნელოვანია. შეხვედრისას დელეგაციის წევრებმა ქართველი კოლეგებისგან მათთვის საინტერესო ყველა კითხვაზე ამომწურავი პასუხი მიიღეს.

თბილისში სასამართლო რეფორმის ფარგლებში კიდევ ერთი საერთაშორისო კონფერენცია ჩატარდა. კონფერენცია იუსტიციის უმაღლესი სკოლის დაარსებიდან 5 წლისთავს მიეძღვნა. იუსტიციის უმაღლესი სკოლის დანიშნულებისა და საქმიანობის შესახებ უზენაესი სასამართლოს თავმჯდომარე კონსტანტინე კუბლაშვილი ვგესაუბრება:

- ბატონო კოტე, რატომ გახდა აუცილებელი იუსტიციის უმაღლესი სკოლის დაარსება? საუნივერსიტეტო განათლება ვერ იძლევა სათანადო ცოდნას?

- საუნივერსიტეტო კურსი და თუნდაც, ის ხუთწლიანი სავალდებულო გამოცდილება, რომელიც მოეთხოვება მოსამართლეობის კანდიდატს, ვერ იძლეოდა სათანადო ცოდნას. იუსტიციის უმაღლესი სკოლის დაარსებამდე, ჩვე წელიწადში სამჯერ მაინც ვატარებდით შესაბამის კონკურსებს და დაერწმუნდით, რომ არ არსებობდა ის რესურსი, რაც გვჭირდებოდა, ვგულისხმობ, მოსამართლეობის კანდიდატებს. 2009 წლის ივნისიდან მოქმედებს მოსამართლეთა შერჩევისა და დანიშნვის ახალი წესი და ამ წესის თანახმად, მოსამართლეობა ინიშნება მხოლოდ იუსტიციის უმაღლესი სკოლის კურსდამთავრებული კანდიდატები. 2009 წლის ივნისამდე მოსამართლეობის კანდიდატები, დანიშნამდე გადიოდნენ მხოლოდ ერთკვირიან ტრენინგს. ეს, რა თქმა უნდა, არ იყო საკმარისი. მოსამართლეობის კანდიდატებისთვის საკმარისი გადამატებული უნარები უნდა იყოს ძალიან დეტალურად მომზადებული ყველა საკითხში. სწორედ ამიტომ ჩვენ შევქმენით იუსტიციის უმაღლესი სკოლა. სკოლის შექმნა ასევე გახლდათ ევროპის საბჭოს ერთ-ერთი რეკომენდაციაც.

2009 წლის მარტამდე სასამართლო სისტემაში ძველი წესით დანიშნულია 128 მოსამართლე, ხოლო ახალი წესით - 26 მოსამართლე.

- როდის დაარსდა იუსტიციის უმაღლესი სკოლა?

იუსტიციის უმაღლესი სკოლა შეიქმნა 2006 წელს. წელს სკოლის დაარსებიდან 5 წელი შესრულდა. იუსტიციის უმაღლესი სკოლის საქმიანობის ძირითადი მიზანია მოსამართლეებს გასამსწრე პირის - იუსტიციის მსმენელის მომზადება, ასევე სკოლის ფუნქცია გახლავთ უკვე მოქმედი მოსამართლეების გადამზადება და კვალიფიკაციის ამაღლება.

სკოლა ასევე ახორციელებს მოსამართლის თანამშრომლებისა და სასამართლოს სხვა თანამშრომელთა გადამზადებასა და კვალიფიკაციის ამაღლებას.



სკოლაში მსმენელების მიღება ხორციელდება წელიწადში ორჯერ, გაზაფხულსა და შემოდგომაზე. სკოლაში ჩარიცხვის მსურველებისთვის იუსტიციის უმაღლესი საბჭო ატარებს კონკურსს.

მოქმედ მოსამართლეთა გადამზადების პროგრამის ფარგლებში სკოლა ახორციელებს ტრენინგებს, სემინარებს, სამუშაო შეხვედრებს და სასწავლო ვიზიტებს. გადამზადების პროგრამების ძირითადი მიზანია მოსამართლეთა კვალიფიკაციის ამაღლება და სასამართლო პრაქტიკის დახვეწა. მოსამართლეობის კანდიდატების სწავლება მიმდინარეობს 10 თვის მანძილზე და იგი მოიცავს, როგორც თეორიულ, ასევე პრაქტიკულ სწავლებას. სკოლის მსმენელები სწავლების ბოლო რამდენიმე თვე სტაჟირებას გადიან სასამართლოებში და უშუალოდ იღებენ მონაწილეობას მოსამართლის საქმიანობასთან დაკავშირებული საკითხების გადაწყვეტაში. ისინი უშუალოდ არიან მიმავრებულები კონკრეტულ მოსამართლესთან და შემდეგ მოსამართლე ახდენს მათ შეფასებას. ზოგადად კი, იუსტიციის უმაღლესი სკოლის მსმენელების შეფასება ხდება მათ მიერ სწავლების პერიოდში დაგროვებული ქულების მიხედვით.

რაც შეეხება მოსამართლის თანამშრომელთა და სასამართლოს სხვა თანამშრომელთა გადამზადების პროგრამას, იგი მოიცავს ტრენინგებსა და სემინარებს, როგორც სამართლებრივ საკითხებზე, ასევე სასამართლოს გამართული ფუნქციონირებისათვის აუცილებელ საკითხებზე, კერძოდ, მოქალაქეებთან ურთიერ-

ობა, სასამართლოში საქმეთა ნაკადის მართვა, მენეჯმენტი.

ცენტრალური ოფისის გარდა სკოლა უკვე აქვს ორი თანამედროვე დონეზე კეთილმოწყობილი ფილიალი, ბათუმსა და წყალტუბოში.

- როგორი მეთოდი უტარდება სწავლება მომავალ მოსამართლეებს?

- სკოლაში მსმენელები გადიან როგორც თეორიულ, ასევე, პრაქტიკულ მომზადებას. სპეციალური იურიდიული სპეციალობების გარდა, სკოლაში სწავლების დროს დიდი მნიშვნელობა ექცევა ისეთ სავალდებულო უნარ-ჩვევების ჩამოყალიბებას. ეს არის კომუნიკაციური უნარ-ჩვევების ჩამოყალიბება, დარბაზის მართვის უნარ-ჩვევები.

- რას მოიცავს თეორიული კურსი. ნიშნავს თუ არა ეს იგივე თეორიული მასალის სწავლებას, რასაც სტუდენტები იურიდიულ ფაკულტეტებზე გადიან?

- სკოლაში ჩარიცხული მსმენელი ჩამოყალიბებული იურისტია. მას უკვე უნდა ჰქონდეს გარკვეული გამოცდილება, მუშაობის სტაჟი. აღსანიშნავია, რომ სკოლაში სწავლების პერიოდში მსმენელს სამუშაო სტაჟში ჩათვლილი უნდა ჰქონდეს.

რაც შეეხება სწავლებას, თეორიული კურსის გავლის დროს მსმენელებს სამართლებრივი საკითხები აღარ ეკითხებათ ისეთი ფორმით, როგორც ფორმითაც ისინი ამ კურსს უნივერსიტეტში გადიოდნენ. სკოლაში სწავლების დროს გამოიყენება როგორც სალექციო კურსი, ასევე, პრაქტიკული მეთოდები და დისკუსი-

ბი. თეორიული კურსის ნაკითხვის დროს ყურადღება ექცევა, მაგალითად, კონკრეტულ მუხლთან დაკავშირებით არსებულ სასამართლო გადაწყვეტილებებს, ლექტორები მსმენელების ყურადღებას ამახვილებენ პროფესიულ პრაქტიკაზე ამა თუ იმ საკითხთან მიმართებაში.

რაც შეეხება დისკუსიებს, ეს ნაწილიც მნიშვნელოვან როლს შეასრულებს მსმენელების პროფესიონალ მოსამართლედ ჩამოყალიბებაში. დისკუსიების დროს უკვე მსმენელთა მიერ ხდება კონკრეტული საკითხების განხილვა, აზრების მოსმენა და შეფასება. ამგვარი დისკუსიების დროს უკეთ ვლინდება მსმენელის მომზადების დონე და უნარ-ჩვევები.

- სასწავლო პროგრამაში მსმენელებისთვის მოსამართლეობის უნარ-ჩვევების გამოშვებაც არის გათვალისწინებული?

- იუსტიციის უმაღლესი სკოლაში ჩარიცხული მსმენელებისთვის სპეციალური პროგრამებია შემუშავებული, რომლებიც მათ უნარ-ჩვევების გამოშვებაში ეხმარებათ.

სწავლების პროცესი მოიცავს იმპროვიზულ სასამართლო სხდომებს, სადაც მოსამართლეები და მხარეები თავად მსმენელები იქნებიან და გარკვეულწილად, ისინი ამ ეტაპზევე ითავისებენ მოსამართლის ამპლუას.

სწავლების პროცესში მომავალ მოსამართლეს სწორედ ამ ტრენინგების საფუძველზე უყალიბდება მხარეებთან ურთიერთობის, დარბაზის მართვის უნარ-ჩვევები.

ამ კურსს პირობითად სასამართლო კომუნიკაცია და დარბაზის მართვა ეწოდება და იგი მოიცავს, როგორც ფსიქოლოგიურ სწავლებას, ასევე პრაქტიკულ მეცადინეობებსაც.

- იუსტიციის უმაღლესი სკოლის 5 წლისთავთან დაკავშირებით საერთაშორისო კონფერენციას ჩატარდა, სადაც სკოლის მუშაობაც შეფასდა.

- კონფერენციის მუშაობაში მონაწილეობა მიიღეს სტუმრებმა ლიტვიდან, ესტონეთიდან, უკრაინიდან, უგრმანიიდან, საფრანგეთიდან, ზერგეთიდან და პოლონეთიდან. ასევე, საერთაშორისო ორგანიზაციის წარმომადგენლებმა.

კონფერენციაზე მომხსენებლებმა ისაუბრეს იუსტიციის უმაღლესი სკოლის საქმიანობის ძირითად მიმართულებებზე, შეაფასეს სკოლის საქმიანობის 5-წლიანი გამოცდილება.

ყველა გამომსვლელმა სკოლის საქმიანობას მაღალი შეფასება მისცა. ექსპერტთა უმეტესობის აზრით, იუსტიციის უმაღლესი სკოლა სასამართლო რეფორმის ერთ-ერთი წარმატებული პროექტია.

სასამართლო გამამართლებელი განაჩენები

ზესტაფონის რაიონულმა სასამართლომ ქურდობის მცდელობაში ბრალდებული სამი პირის მიმართ გამამართლებელი განაჩენი გამოიტანა.

საქმის მასალების მიხედვით, ზესტაფონის რაიონის სოფელ აჯამეთში, მინისქვეშ არსებული 7 770 ლარის ღირებულების წყლის მიღების მართლსაწინააღმდეგოდ, ფარულად დაუფლების მცდელობაში გამოიძიებამ ბრალი ლევან ნიკოლაძეს, როლანდ ბახტიძესა და ისიდორე ყორჭოლიანს დასდო. დანაშაული სასჯელის სახით 4-დან 7 წლამდე თავისუფლების აღკვე-

თას ითვალისწინებს. სასამართლოში საქმის არსებითად განხილვის ეტაპზე ბრალდებულებმა წარდგინეს ბრალი უარყვეს. სასამართლომ კი დაადგინა, რომ მათი დამნაშავედ ცნობისთვის გამოძიების დროს გამოკვეთილი ბრალდების დამადასტურებელი მტკიცებულებები საკმარისი არ იყო.

ზესტაფონის რაიონულმა სასამართლომ ლევან ნიკოლაძე, როლანდ ბახტიძე და ისიდორე ყორჭოლიანი უდანაშაულო ცნო და მათ მიმართ გამამართლებელი განაჩენი გამოიტანა.

ზესტაფონის რაიონულმა სასამართლომ რობელმაც საქმის

არსებითი განხილვის შედეგად კიდევ ერთი გამამართლებელი განაჩენი გამოიტანა. ბრალდებულ მერაბ კობახიძეს გამოძიება ნაკლებად მიმე კატეგორიის დანაშაულის - თვითნებობის ჩადენისთვის გამოძიების დროს გამოკვეთილი ბრალდების დამადასტურებელი მტკიცებულებები საკმარისი არ იყო.

ზესტაფონის რაიონულმა სასამართლომ ბრალდების მხარის

მიერ წარდგენილი მტკიცებულებები მერაბ კობახიძის დამნაშავედ ცნობისათვის საკმარისად არ მიჩნია და ბრალდებული უდანაშაულოდ ცნო და საბოლოოდ, განსასჯელის მიმართ გამამართლებელი განაჩენი გამოიტანა.

გამოძიების მასალებით, მერაბ კობახიძე 2010 წლის 23 დეკემბერს თვითნებურად დაეუფლა ზვიად ხაჩიძის კუთვნილ 300 ლარად ღირებულ პარკეტის საჭირელ დაზგას, რომელიც გადაიტანა და შეინახა ზესტაფონის რაიონის სოფელ არგვეთაში, თავის ნათესავ ზურაბ კობახიძის საცხოვრებელ სახლში.



“სამოქალაქო სასამართლოს” პირველი პერდიქტი

“დღევანდელი პროცესი ისტორიაში შევა,” - თბილისის საქალაქო სასამართლოში, რომელიც 9 ნოემბერს უფროსი ინსტრუქტორების განსაკუთრებული ინტერესის ობიექტი გახდა და ხალხმრავლობითაც გამოირჩეოდა, ეს ფრაზა ძალზე ხშირად გაისმოდა. თბილისის საქალაქო სასამართლოში ორი კვირის წინ თანამედროვე ქართული მართლმსაჯულების ისტორიაში პირველად, ნაფიც მსაჯულთა სასამართლომ საქმის მოსმენა დაიწყო, რომელიც რვა დღეში ჩატარებულ 5 პროცესზე დასრულდა. ნაფიც მსაჯულთა სასამართლომ ათი ხმით ორის წინააღმდეგ ბრალდებულ რევან დემეტრაშვილს გამამტყუნებელი ვერდიქტი გამოუტანა.



12 ძირითადი და სამი სათადარიგო ნაფიცი მსაჯული 9 ნოემბერს საზოგადოების წინაშე პირველად წარსდგა. მათი ვინაობა, მათივე უსაფრთხოების მიზნით გასაიდუმლოებული იყო - სხდომაზე დამსწრე პირებს და პროცესის მონაწილე მხარეებს მსაჯულთა ვინაობის გამხელა აკრძალა.

პროცესს თბილისის საქალაქო სასამართლოს სისხლის სამართლის საქმეთა კოლეგიის მოსამართლე ნინო სანდოძე უძღვებოდა.

ნაფიც მსაჯულთა სასამართლომ ყაჩაღობასა და დამამძიმებელ გარემოებაში ჩადენილ განზრახ მკვლელობის თანამონაწილეობაში ბრალდებულ რევან დემეტრაშვილის საქმე მოისმინა.

“თავიდან “დავაზრატებას” ვაპირებდით, მერე სიტუაცია შეიცვალა და ჩვენი გეგმის მიხედვით, ოჯახის წევრები ერთ ოთახში უნდა შეგვეყვანა და იქ დავგვხრო... ყველა თავის როლი გვქმნდა: მე პირველი სართულის კონტროლი მევალებოდა, რეზო დემეტრაშვილი ქვევით მანქანაში უნდა ყოფილიყო და რაიმე გაუგებრობის შემთხვევაში, პოლიციელის საბუთით ემოქმედა, კობა გვრიტიშვილს სროლა ევალებოდა... სახლში რომ შევევარდით, მე პირველ სართულზე დავრჩი, ბიჭი იყო ავად და იმას ვყარაულობდი. ბიჭებმა ოჯახის სხვა წევრები ზევით აიყვანეს... ისმოდა ფულის, ძვირფასეულობის მოთხოვნები, ხმაური... 2 წუთში გაისმა ავტომობილიდან 3-4 გასროლის ხმა... ბიჭებმა ეგრევე ჩამოიბრინეს და გვრიტიშვილმა თქვა, წავედით, დავხოცეთ... მანქანაში ჩაქსახდით და წამოვედით...” - ჩვენების ეს ფრაგმენტი, 1994 წელს თბილისში მომხდარი გახმაურებული დანაშაულის თანამონაწილეობისთვის გასამართლებულ გიორგი ოთარაშვილს ეკუთვნის.

გიორგი ოთარაშვილი, რომელიც პროცესზე მთავარი მოწმის სტატუსით წარსდგა, დიდი რაოდენობით ნარკოტიკების შენახვა-შეძენისთვის დააკავეს და როგორც თავად განაცხადა, მას 18 წლითა და 9 თვით პატიმრობა ელოდა, ამიტომაც, სასჯელის შემსუბუქების მიზნით გამოძიებასთან თანამშრომლობა გადაწყვიტა - 17 წლის წინ მომხდარი დანაშაულების დეტალები გაიხსენა და მათ შესახებ აღიარებითი ჩვენებაც მისცა. გიორგი ოთარაშვილთან, რომელიც ნარკოტიკების შექმნა-შენახვაში, განზრახ მკვლელობასა და ყაჩაღობაში იყო ბრალდებული საბოლოოდ, საპროცესო შეთანხმება გაფორმდა და 6 წლით პატიმრობა მიუსაჯეს.

“ნარკოტიკს ვიკეთებდით, მაგრამ ფული აღარ გვქონდა და რევანშიშვილმა მითხრა, რომ მის მეზობლად ცხოვრობდა “ცხავიკი” მინასიანი - 100-150 ათას დოლარს გაქაჩავს, მოსკოვში ბინა უნდა იყიდოს... ეს ამბავი დემეტრაშვილს ვუთხარი, რამდენიმე დღეში საერთო მეგობრებს შევხვდით, მოუყუევით რევანშიშვილის მონათხრობი და გატაცების გეგმა დავგეგმეთ,” - განუცხადა ნაფიც მსაჯულს ბრალდების მხარის მეორე მოწმემ ლევან კიკაბიძემ, რომელიც სამართალდამცველებმა 2006 წელს დააკავეს ნარკოტიკების შექმნა-შენახვისთვის და მას 15 წლით პატიმრობა აქვს მისჯილი.

ადვოკატის შეკითხვაზე, რატომ მისცა ამდენი წლის შემდეგ აღიარებითი ჩვენება და დაპირდნენ თუ არა რაიმე შედეგათს, კიკაბიძემ ასეთი პასუხი გასცა: **“ექვსი წელია სასჯელს ვიხდი, კიდევ 9 წელი წინ მაქვს, აღიარების გადაწყვეტილება თავად მივი-**

ლე და თანაც, დამპირდნენ შეღავათებს გაგინევით.”

პროცესზე დაკითხული მესამე მოწმე მინასიანების მეზობელი, ვაზგენ მინასიანის და მისი ცოლის კლასელი ალექსანდრე რევანშიშვილი იყო. ისიც ნარკოტიკების შექმნა-შენახვისთვისაა გასამართლებული და 9-წლიანი პატიმრობა აქვს მისჯილი.

მოწმეთა მიერ მიცემული ჩვენებებიდან, გაირკვა, რომ რევანშიშვილის და კიკაბიძის მიერ მინორდებული ინფორმაციის საფუძველზე ვახტანგ გვრიტიშვილმა, მისმა ძმამ კობა გვრიტიშვილმა, გიორგი ოთარაშვილმა, გელა ქავთარაძემ, რევან დემეტრაშვილმა და მალხაზ მოდებაძემ, რომელიც გარდაცვლილია, 1994 წლის 19 თებერვალს გაიტაცეს ნეშან მინასიანის 19 წლის ვაჟი ვაზგენ მინასიანი. მიცემული ჩვენებების მიხედვით, გამტაცებლების გეგმის მიხედვით, ქუჩაში მიმავალი ვაზგენ მინასიანი გააჩერა რევან დემეტრაშვილმა, რომელიც იმ დროს პოლიციაში მუშაობდა, პოლიციელის საბუთი აჩვენა და მანქანაში ჩაისვა ვითომდა, ნარკოლოგიურ ექსპერტიზაზე წაყვანის მიზნით. გამტაცებლებმა ვაზგენ მინასიანი სოფელ დილოში მდებარე სახლში მიიყვანეს, სადაც ერთი კვირა ჰყავდათ დატყვევებული, ხოლო ოჯახისგან გამოსასყიდს - 150 ათას დოლარს ითხოვდნენ.

“თანხის ნაწილის 10 ათასი დოლარის გადახდის შემდეგ ვაზგენა ვავათავისუფლებთ. ორი კვირის მერე ბიჭებმა გაიგეს, რომ ვაზგენას მამას უთქვამს, ვიცი, ეგენი ვინ არიან... თურმე, იმუქრებოდა, მაგათ არ შევარჩენო... საფრთხე გვექმნებოდა და გადავწყვიტეთ მოკვლა... კვალის დასაფარად ყაჩაღობის იმიტაციაც დავგეგმეთ და სახლიდან ნივთები წამოვიღეთ, რათა ჩვენზე ეჭვი არ მიეტანათ,” - განაცხადა გიორგი ოთარაშვილმა.

“როგორც დემეტრაშვილმა მომიყვა, გვრიტიშვილს უთქვამს, სანამ დრო გვაქვს ამოვხოცოთ მინასიანების ოჯახი... როგორც დემეტრაშვილმა მითხრა, ის გარეთ იყო - ქუჩაში, სხვები სახლში შევიდნენ და მან მალე ვაგტაცების სროლის ხმა გაიგო... კობა გვრიტიშვილმა დახვრიტა ოჯახის წევრები, - ასე მითხრა დემეტრაშვილმა,” - განაცხადა ლევან კიკაბიძემ.

ნაფიც მსაჯულს ჩვენება მისცეს ვაზგენ მინასიანის დებმა გულისა და გაიანე მინასიანებმა და ვაზგენ მინასიანის ცოლმა - ქრისტინე ავეტისიანმა.

“1994 წლის 19 თებერვალს დახლოებით 22 საათზე, ოჯახის წევრები პირველ სართულზე ვიყავით, როცა ზედა სართულიდან ხმაური გავიგონეთ - ჩემი დედამთილის ყვირილი და ფეხის ხმა. დავინახე ჩემი მული როგორ შეაგდო ოთახში ავტომობილიდან მალაღმა მამაკაცმა. მან ყველა ზევით აიყვანა... მე ჩემი 18 დღის შვილი ავიყვანე და ვაიქეცი, ვიფიქრე, პოლიციის შევატყობინებ-მეთქი, მაგრამ მალაღმა, შევპალტოიანა, ნიღბიანმა მამაკაცმა ლულა მომიშვირა და მეც ზევით ავიყვანა. ოთახში, სავარძელში ისხდნენ ჩემი მამათილი - მეშან მინასიანი, დედამთილი -

ფლორა მინასიანი. უფროსი მული, რომელსაც შვილი ეჭირა ხელში მუხლებზე იდგა, იქ იყო მეორე მულიც თავის ქმარ-შვილით. მანამდე რა ხდებოდა არ ვიცი... როცა მიმიყვანეს, ჩემმა მამამთილმა უთხრა, წაიღეთ რაც გინდათ, ოღონდაც არ დავგვოცოთო... მალევე ერთმა მალაღმა ნიღბიანმა საათს დახედა და თქვა, “დროა”... და გაისმა სროლის ხმა... 18 დღის შვილი ლარი ჩავიხუტე და როცა ავიხედე, საშინელი სურათი ვნახე... ყველაფერი სისხლი იყო მოსვრილი... ჩემმა ქმარმა - ვაზგენმა ოპერაციის მერე ორი დღე იცოცხლა, დედამთილი ადგილზევე გარდაიცვალა, მამამთილი გზაში დაიღუპა... გაიანე მძიმედ დაიჭრა და სასწაულებრივად გადაარჩა.

მე ამ დღეს 17 წელია ველი. მინდოდა თავლებში ჩამეხედა იმ ადამიანებისთვის, რომლებმაც ცხოვრება დამინგრიეს, შვილს მამა წაართვეს, მე - საყვარელი ადამიანი,” - განაცხადა ვაზგენ მინასიანის ცოლმა ქრისტინე ავეტისიანმა.

მკვლელობის ღამე გაიხსენეს გაიანე და გულისა ვაზგენიანებმა. გაიანე ვაზგენიანის განცხადებით, ის 17 წლის წინანდელ იარაღს დაემდეგ ატარებს და მას არაფერი მოუშუშებს.

“ავტომობილებით შეიარაღებული ნიღბიანი მამაკაცები შემოვიკვიდნენ, ყველანი მეორე სართულზე ავიყვანეს... მამამ სთხოვა, რომ წაეთქვი ყველაფერი, ოღონდაც არ ესროლა... მაგრამ, პირველად მამაჩემს ესროლეს, მერე ვაზგენს, შემდეგ აღარ შემიხედავს, მაგრამ ვიგრძენი, რომ ტყვია მეც მომხვდა... დედაჩემს ტყვია გულში მოარტყეს და ის ადგილზევე გარდაიცვალა, მამაჩემი და ვაზგენი ერთი მანქანით წაიყვანეს, მამა გზაში დაიღუპა, ვაზგენი კი საავადმყოფოში. არ ვიცი, რას გვერჩოდნენ, რატომ მოგვექცნენ ასე სასტიკად. მე სპეციალურად ჩამოვედი ერევანში, რათა მენახა ადამიანები, რომლებმაც ცხოვრება დავინგრიეს. არაფრის მესინია და მჯერა, რომ ნაფიცი მსაჯულები სამართლიან ვერდიქტს გამოიტანენ,” - განაცხადა გაიანე მინასიანმა, რომლის მსგავსი ჩვენებაც მისცა მისმა დამ გულისა მინასიანმა. მოწმეთა ჩვენებით, თავდასხმელებს ნიღბები ეკეთათ, ამიტომაც, მათი ამოცნობა არ შეუძლიათ.

ნაფიც მსაჯულთა სასამართლომ მოუსმინა ბრალდებულ რევან დემეტრაშვილსაც. რევან დემეტრაშვილის ჩვენების მიხედვით, მინასიანების ფინანსური მდგომარეობის თაობაზე ინფორმაცია ჯგუფის წევრებს ლევან კიკაბიძემ მიანოდა.

“ლევან კიკაბიძე, რომელიც ჩემი დეიდაშვილია კურსელი იყო, ერთ დღეს მოვიდა ჩემთან, ნაცემი იყო და მითხრა, გელა ქავთარაძესთან და კობა გვრიტიშვილთან ჩხუბი მომივიდა, მცემეს და მანქანა წამართვესო. მას შინდისფერი “09” ჰყავდა. კიკაბიძემ მამის მომიყვა ვაზგენ მინასიანის გატაცების ამბავი. მითხრა, რომ “ნაკოლშიკი” ის იყო, მაგრამ მინასიანებმა იმდენი ვერ გადაიხადეს, რაც გვრიტიშვილებს ვუთხარი და ამიტომაც ცრუ ინ-

ფორმაციის მინოდებისთვის მანქანა წამართვესო. კიკაბიძემ მთხოვა, მანქანის დაბრუნებაში დავხმარებოდი, რაზეც უარი ვუთხარი,” - განუცხადა სასამართლოს რევან დემეტრაშვილმა. ბრალდებულის ჩვენებით, მან კიკაბიძეს საქმეში მისი გავლენიანი მამის ჩარევა უჩიოდა.

“ორი დღის შემდეგ, ჩემთან სახლში ორი მამაკაცი მოვიდა, ერთი გამეცნო ლევანის მამად და გვრიტიშვილთან გაყოლა მთხოვა. მიუხედავად იმისა, რომ გვრიტიშვილთან ნაჩხუბარი ვიყავი, მაინც გავყევი. ნუკრი გვრიტიშვილმა და ლევან კიკაბიძის მამამ ცალკე ისაუბრეს, რაზე არ ვიცი. ამ შეხვედრის შემდეგ კიკაბიძეს მანქანა დაუბრუნეს,” - განაცხადა რევან დემეტრაშვილმა, რომელმაც ისიც განაცხადა, რომ ლევან კიკაბიძემ მას უთხრა, ვაზგენ მინასიანის გათავისუფლების სანაცვლოდ ოჯახმა 6 მილიონი რუსული რუბლი გადაიხადა.

მთავარ მოწმეთა ჩვენებებით, ვაზგენ მინასიანი რევან დემეტრაშვილის თეთრი ფერის ვაზ-2106 მარკის მანქანით გაიტაცეს, ხოლო ყაჩაღობისა და მკვლელობის დროს, დემეტრაშვილი მინასიანების სახლის წინ იდგა, რათა გაუთვალისწინებელი შემთხვევის დროს პოლიციელის საბუთით თავიდან აეცილებინა საფრთხე.

“თეთრი ფერის მანქანა არასდროს მყოლია. 1993 წლის ვაზაფხულზე ნუკრი გვრიტიშვილისგან ვიცი ვინდისფერი ვაზ-2106. დანაშაულიც სწორედ ამ მანქანით მოხდა. ჩემთან ნუკრი მოვიდა და მთხოვა, მანქანა მეთხოვებინა, რადგანაც, ცოლ-შვილი უნდა წაყვანა გორში. რა თქმა უნდა, მანქანა ვათხოვე. მოგვიანებით ვავიგე, რომ ჩემი მანქანით გაიტაცეს ვაზგენ მინასიანი. ამის გამო გვრიტიშვილთან სერიოზული კონფლიქტი მომივიდა,” - განუცხადა ნაფიც მსაჯულს ბრალდებულმა, რომლის ჩვენებითაც, მომხდარი ყაჩაღობისა და მკვლელობის შესახებაც მან მოგვიანებით შეიტყუა.

“ჩემთან სახლში იყო მალხაზ მოდებაძე, როცა ლევან კიკაბიძე მოვიდა და გვითხრა, გვარდილებმა ვაზგენ მინასიანი მოკლესო. მალხაზმა უთხრა, ბიჭო, ჩვენ არ დავებრალდესო. ამ მკვლელობის თაობაზე მე არაფერი ვიცი და ვერც გვრიტიშვილებს დავადებ ხელს, რადგან არ ვიცი, ჩადინეს თუ არა მათ ეს დანაშაული. სხვებისგან განსხვავებით, მათ ვერაფერს დავაბრალდებ,” - ასეთი ჩვენება მისცა სასამართლოს რევან დემეტრაშვილმა, რომელმაც ისიც განაცხადა, რომ დაკავებისას სამართალდამცველები მისგან აღიარებითი ჩვენებას ითხოვდნენ, რის სანაცვლოდაც, საპროცესო შეთანხმების საფუძველზე, 6 წლით პატიმრობის შეფარდებას პირდებოდნენ.

“მათ შემოთავაზებაზე უარი განაცხადე, რადგან უდანაშაულო ვარ და ისეთ მძიმე დანაშაულებს, რომელიც არ ჩამიდენია, ვერ დავიბრალდებ. ლევან კიკაბიძე, ალექსანდრე რევანშიშვილი და გიორგი ოთარაშვილი, რომლებსაც აღიარების საფუძველზე 19-წლიანი პატიმრობის ნაცვლად, 6 წელი მიუსაჯეს, საკუთარი თავის გადარჩენას ეცადნენ. არც ერთთან არანაირი პირადი მტრობა არ მაქვს... მათი მესმის - საკუთარი ტყავის გადასარჩენად ეს გზა აირჩიეს და დათანხმდნენ გარიგებას,” - განუცხადა ნაფიც მსაჯულთა სასამართლოს რევან დემეტრაშვილმა, რომელიც ნაფიც მსაჯულთა სასამართლომ ყაჩაღობასა და მინასიანების ოჯახის სამი წევრის დამამძიმებელ გარემოებაში ჩადენილ განზრახ მკვლელობის თანამონაწილეობაში დამნაშავედ ცნო.

ჩანართი მომზადებულია პროექტის “სასამართლო ხელისუფლების მხარდაჭერა” ფარგლებში, რომელსაც ახორციელებს გაეროს განვითარების პროგრამა (UNDP).
გამოცემაში გამოთქმული მოსაზრებები ეკუთვნის მათ ავტორებს და შესაძლოა არ ემთხვეოდეს გაეროს განვითარების პროგრამის (UNDP) მოსაზრებებს.